

南社詞集第二冊目次

八〇	張素揮孫詞	一
八一	莊山秋水詞	一八
八二	莊先識桐百詞	一九
八三	陳无用慮尊詞	二〇
八四	陳无名微塵詞	二七
八五	陳梨夢梨夢詞	二九
八六	陳樗越流詞	三一
八七	陳世宜匪石詞	三一
八八	陳去病病倩詞	六一
八九	陳其槎安瀾詞	七二
九〇	陳洪壽屋厂詞	七二
九一	陳郁璫桂尊詞	七三

- 九二 陳 蛻 蛻庵詞……………七四
- 九三 陳翼郎 翼郎詞……………七六
- 九四 陶 牧 伯藻詞……………七八
- 九五 陸紹棠 鄂不詞……………九九
- 九六 陸嶠南 更存詞……………一〇〇
- 九七 傅 專 君劍詞……………一一八
- 九八 傅 綱 方倫詞……………一五八
- 九九 傅道博 紹禹詞……………一五八
- 一〇〇 甯調元 太一詞……………一六三
- 一〇一 景定成 梅九詞……………一六九
- 一〇二 溫 見 著叔詞……………一七五
- 一〇三 程善之 善之詞……………一七七
- 一〇四 黃 人 摩西詞……………一八四

一〇五	黃 侃 學剛詞	二〇三
一〇六	黃 堃 異卿詞	二〇四
一〇七	黃 復 病蝶詞	二〇五
一〇八	黃 鈞 夢蓮詞	二〇八
一〇九	黃 興 克強詞	二一〇
一一〇	黃 瀾 定禪詞	二一一
一一一	楊貽謀 少碧詞	二一一
一二二	楊 銓 杏佛詞	二一三
一二三	楊錫章 了公詞	二一五
一二四	葉玉森 中冷詞	二一七
一二五	葉宗源 楚僧詞	二六五
一二六	鄒 銓 西雲詞	二七四
一二八	趙逸賢 念夢詞	二七七

一一九	劉伯端	伯端詞	二七七
一二〇	劉師陶	滄冷詞	二七八
一二一	劉 瑗	仲蓮詞	二七九
一二二	劉 筠	筱墅詞	二八〇
一二三	劉 謙	約真詞	二八〇
一二四	劉鵬年	雪耘詞	二八一
一二五	潘有猷	公展詞	二九三
一二六	潘飛聲	蘭史詞	二九五
一二七	潘普恩	少文詞	三〇〇
一二八	蔡有守	哲夫詞	三〇一
一二九	蔡 寅	治民詞	三二七
一三〇	蔣士超	萬里詞	三二八
一三一	鄧家彥	孟碩詞	三三〇

一三二	鄧 溥	爾雅詞	三三〇
一三三	鄭 澤	叔容詞	三三五
一三四	諸宗元	貞壯詞	三四七
一三五	錢鴻賓	紅冰詞	三四八
一三六	錢潤瑗	景蓮詞	三四九
一三七	駱 鵬	邁南詞	三四九
一三八	謝良牧	閨人詞	三五〇
一三九	謝英伯	抱香詞	三五〇
一四〇	蕭篤平	中權詞	三五二
一四一	譚作民	介夫詞	三五三
一四二	龐樹松	獨笑詞	三五五
一四三	龐樹柏	槩子詞	三五六
一四四	顧无咎	悼秋詞	三九七

一四五 顧保瑤婉娟詞……………四〇四

八〇 張素揮孫詞

八聲甘州 雨意和小柳韻。

算韶光九十去匆匆，落花滿紅樓。更輕寒微雨，飄燈幾處，珠箔斜鉤。底事東風悵悵，不把夢痕留。啼鴉千山裏，訴我春愁。倚枕聽來天曉，正杏花喚賣，門巷烟收。感天涯羈旅，踪跡擬沙鷗。剩斑痕和煙和絮，客衫惟有淚相酬。應憐我歲華波遠，付與東流。

蘭陵王 用美成韻，送小柳赴瀋陽。

暮隄直，彌望江波漲碧。離恨遠，天際草迷，黯黯征衫怎風色。悲吟又去國，心緒憐他楚客。憑量取，情淚淺深，潭水桃花幾多尺。還思舊游跡，有柳折關城，花藉琴席。候門鯖老人傳食。奈萬里蓬轉，一聲驪唱，水郵山路不計驛。暮雲阻南北。悽惻！鬢絲積。想雨過燈幽，簾影孤寂。傷時恨別何終極。只曲院驚夢，晚樓吹笛。飄零如我，倘念到，淚暗滴。

琵琶仙 客窗坐雨

簾雨吹陰，又還近四月迎梅時節。幾度輕點征衫，香塵細無跡。鄉夢遠江南萬里，定花落水

流肥鰓。紫陌三條，青帘一桁，來問消息。漫嫌是衣袂寒單，鎮鱸靄微濛，篆煙結。更有最消魂處，在黃昏檐滴。關塞外，春愁欲碎，舞柳花側面，風急。奈此芳草天涯，數聲啼鴉！

金縷曲 和參蘭自北京見寄韻

挾策長安走，喜諸君才高晁董，交聯廣受。爲底蘭臺初聽鼓，也自苦吟時久。者總是憂來搔首。四顧蒼茫難言說，近紅妝強縱花間酒。髡一石，醉來可。嗟余遠訪雲中守，鎮相依邊笳寒笛，朔風狂吼。也是杜陵歌哭慣，無限白雲蒼狗。問天末故人何有？有道有新詞傳千里，訴游踪南北都拋負。休更唱，白門柳。

憶舊游 初庵以詞卷見贈，倚此奉答。

問吾儕底事，踏遍江湖，來作詞人。一掬靈均淚，在離騷歇後，香發蘭蓀。別來情態何似？把酒細評論。道鐵笛秋清，銅笳夜咽，都作商聲。風塵更誰惜？別萬里江南，肅瑟蘭成。醉墨留題處，只遣愁月夕，排悶花晨。出關我愛游獵，歌唱白狼城。乍錦字傳來，常鑪避却胡婦嗔。

滿江紅 哭羞父

肥馬輕裘，數同學少年何限。獨吾子文章蹭蹬，一長未展。食客彈箏兒女累，菜傭論值功名

賤。道憂來此物足傷人，滄桑變。塵濁世，心殊厭。生存處，情何戀。好男兒死耳！底須淒咽？投筆戎前日事；橫戈殺賊平居願。獨因何戶牖了茲身，君應歎。

洞仙歌有所悼

朱樓一角，在石橋東去，紫色藤花冒游路。記少年時節，日夕狂游，曾到此手把玉驄繫住。春風輕別後，萬里歸來，笑鬢啼妝渺何處。悵悵落花天，深鎖簾櫳，空賺了劉郎前度。但回念伊人淚如縻，見胡蝶飛來，癡心欲妬。

憶舊游過亡友芥釋故居。

歎故人長逝！何處高鑪？痛飲澆愁。風物淒涼甚，剩幾株敗柳，深掩書樓。蝸涎蛛網欲遍，卷帙未全收。想平生壯志，而今已矣！一夢浮漚。牆頭風笛起，欲過問鄰家，賦筆難酬。巷陌添蕭瑟，有機聲啞啞，鳥語鈎輈。昔年共讌游地，一片菜花稠。獨倚枕寒宵，驚回夢影難報籌。

高陽臺人日立春，偕參蘭畏齋同賦。

殘雪烘晴；柔風醒酒，天涯人共春回。綵仗東郊，迎暄同把芳杯。草蘇柳困愁如許，感年華、餽管聲催。正家家，燕子欽梁，鸚鵡樓臺。鄉園風物春尤好，數盤辛薦後，菜甲挑來。似錦韶光，冶游

十日何猜。裙香鬢影分明記。只驚心芳事延挨。莫遲遲，過了燈宵，落了簷梅。

生查子燈夕示亞蘭

妝蛾釵玉移，簇燕幡金鬪。坐近水精屏，花影身前後。吹徹試燈風。閒却傳柑手。夜色酒邊涼，醉倒忘更漏。

金縷曲送參蘭赴皖中

君又天涯去；正江南言愁時節，一春煙雨。唱罷驪歌聲悽惻，淚眼相看無語，且拔劍樽前起舞。蠟蠟功名何須羨，但男兒與會當飄舉。莫留戀，在兒女。登樓我亦傷孫楚，莽蒼蒼水程山驛，頻年羈旅。暫一歸來逢君飲，掬盡生平肺腑，蹤酒氣快如龍虎。自昔文人窮途慣，道吹簫彈鋏吾儔侶。風雨急，黯前路。

齊天樂秋夜聞雨聲

打窗風雨秋心苦，宵闌一燈相伴。急點瀟瀟，輕寒惻惻，客裏單衣初換。鑪薰罷暖，待問夜何其，更長更短。側耳聽來，斷碁江外助淒惋。登臨送歸還懶，料多愁宋玉，鄉思零亂。離豆飛花，井梧脫葉，到此都無拘管。起來捲幔，道如此淒清，幾曾聽慣。嘹唳天涯，雁聲分一半。

摸魚兒 寄怡父大梁

念天涯故人別後，經過多少風雨。琴高赤鯉游行慣，更向黃河南去。須記取，有歷亂愁心，付與寒蟲絮。秋生鬢縷。使道不江關，生平蕭瑟，詞賦欲哀庾。梁園路，早十年前曾住。冶游不記何處？旗亭貰酒雙鬟小，心怯當筵歌舞。驚倦旅，是破曉霜風，催發夷門鼓。從頭細數。願塞雁回時，彩牋寄我，兩地共凝佇。

百字令 夜步公園，林木蕭蕭，覺有秋意，天涯宋玉，不能自寒其悲，悽然因有此作。

綠陰臺榭，問今年何事，秋風來早。客袂涼生催暝色，一徑莓苔如掃。葉脫驚蟬，林疏漏月，觸緒成幽悄。隔牆燈火，薄情猶自相照。自念羈旅天涯，登山臨水，愁思縈懷抱。瑟瑟蕭蕭風雨夜，欲睡如何睡好？獨凭闌干，蒼然意遠，忘却霜天曉。潘郎鏡裏，鬢絲知有多少。

鳳凰臺上憶吹簫 七夕寄亞蘭

鍼刺鴛文，盒黏蛛網，夜深人在紅樓。記同心乞巧，細數更籌。牛女今宵歡會，渡銀河試一回眸。從今後，人問天上，不復言愁。言愁，我今作客，三五夜歸期，拙與秋謀。隔關山千里，心怯吳謳。河鼓沉沉遙夜，相望處應捲簾鉤。癡心問，填橋烏鵲，入夢來不？

淒涼犯 雨窗讀南社詞

東南劍氣洗雷雨，年來人物消歇；幾復社空，漢唐書燼，但餘陳跡。江山換劫，今古事都堪哽咽。爲伊誰，填詞辛苦，一往寫胸臆。排遣今無計，學得陽狂，新聲稠疊。歌壺玉唾，冷悠悠和冰敲缺，傾耳聽來，獨心怯。哀絃促節，向空山清淚，化作杜宇血。

戀繡衾

梨花院落深閉門，雨瀟瀟心念遠人。拋不得離愁苦，舊眉痕添了淚痕。呢喃語細東風悄，倚重簾休把燕噴。恐水樣年華逝，倩游絲留絆好春。

杏花天 影檢書中得花片一，爲寫此詞。

艷情多被東風誤，遣誰把年芳挽住。那堪拋向紙堆中，辟蠹羽陵仙，永守護。河陽樹飄零幾度，到今日潘郎怯賦。一簾風雨起春愁，待訴，嗅餘香，不如故。

大酺 春感，用美成韻。

正艷陽時，桃花煖，巢燕雙棲金屋。閒愁飄蕩處，似風前飛絮，那堪輕觸。碧襯裙香，紅分袖唾，游侶爭調絲竹。叢坊連深巷，道西京趙李，往還應熟。只羈客年來，傷春病酒，小樓人獨。韶華拋

負速，舊情在，旋轉車雙轂。細算取清明闌草，上巳流觴，酒家吟社標頭目。白日堂堂去，都付與旗亭歌曲。落花滿衣裾上，幾許幽恨，絨淚籠燈如菰。懶去夜游秉燭。

長相思 感近事，寫寄參蘭力山。

楚江頭，粵江頭，此意人間會得不？江波淚共流。醉時愁，醒時愁，斜日荒荒下戍樓，愁多到白鷗。

聲聲慢 鵲秋自吉林赴奉，詞以贈行。

隨蓬腳轉，折柳心長，風塵落拓經年。筆札依人，此去更有誰憐！青衫料應濕透，在吟邊還在愁邊？離別意，伴松花江水，一碧浮天。纔識雞林詩價，又遙征遼瀋，行李蕭然。極目關山，幾度駐馬停鞭。我今亦傷飄泊，隔萬里夢斷烽烟。歸未待，把愁心付與杜鵑。

西河

年少事，玉驄花外爭繫。迎門一突，趁春風舊經行地。醉歸日夕，踏歌聲，河橋親見佳麗。博他眼波青霽，玉牋暗逗幽意。花慵柳困泥人嬌，賣錫天氣。問天何苦別離催，相思諳盡滋味。翠樽款飲歷歷記，只嬋娟誰訴身世？付與病妝愁髻，歎風光轉眼，殘紅如洗，孤負同居長千里。

憶舊游 月夜至江邊垂釣

認當前景色，絕似吾鄉，揚子江濱。暮靄蒼茫合，看帆來漠漠，鳥去冥冥。是誰坐此垂釣？捲起浪花腥。我欲把魚龍夢中喚醒，念與詩聽。前汀轉沙路，有冷月孤圓，浸在波心。蓑笠須當辦，共蘆中人語，口少幽情。大隄遙向東去，楊柳碧垂陰。指隱隱江村，漁燈照水三兩星。

木蘭花慢 寄亞蘭

問天涯旅客：僕馬倦，欲何之？但極目關山，苦風苦雨，又苦相思。依依玉門柳色，有早蟬啼過最高枝。多少淒涼意緒，晚來枕簟先知。年時鬢髮成絲，花濺淚，酒盈卮。道青衫濕盡，黃金散盡，人與愁宜。棠梨館中無夢，更誰憐征戍向金微？博得新詞千首，曼聲教與歌姬。

金縷曲 瀋陽與明星別

莽莽關山裏，只眼前斜陽一片，角聲催起。吾輩飄流天涯慣，何限別離情意。問老去幾人堪此？楊柳關門春風度，道年來羌笛曾同倚。今古恨，各千里。管寧欲避今何地？伴窮愁舊時皂帽，未辨拋棄。此日征途重握手，相對淚傾鉛水。歎此後仍爲游子。風雨淒淒驪駒發，算青鞵踏破無停趾。君赴北，我南矣！

百字令 渤海舟中

御風何處？倚樓船百尺，海天長歎。九點齊烟黃隔岸，況是月高星小。估客談瀛，蛟人踏浪，望極迷瑤島。吾胸浩蕩，氣吞溟渤多少。屢屢跋涉烟波，南帆北槳，一例傷懷抱。祖述高歌當日事，依舊青衫潦倒。塵劫浮桑，歸心激箭，萬里吳淞曉。翩然來去，自由翻羨鷗鳥。

齊天樂 金壇訪次回先生故宅

王郎才調空天壤，風流尤自矜許。謝女聯吟，左姬數典，悵惻纏綿心緒。香奩艷句，問底事干卿，集名疑雨。白紵烏巾，故家子弟劇愁苦。淒涼此時院宇，燕樓深閉後，花月誰語？廢柱摧薪，危欄靠柳，聞說曾經易主。寒烟古樹，只一片斜陽，更無人住。瑤詠蛾眉，蹇修應念汝。

百字令 偕味蕓游于氏廢園

一春花事，到茶蘼開後，匆匆將了。人說園林荒廢久，中有兩三臺沼。笏石穿雲，林陰潑水，極望迷芳草。域樓入畫，晚鴉飛盡殘照。休恨世事滄桑，些些山水，也一般悵惻。如此荒涼誰耐得？依舊雲迴壑抱。白茱亭空，丹陽門古，驛馬尋官道。杖藜歸去，幾人來此憑眺！

水調歌頭 郡人士追悼伯先於琴園爲賦此闋

問世一奇傑。磅礴稱山川。奈何天弱漢族。每我祖生鞭。失意廣州一役。遂使英雄短氣。嘔血病纏綿。海外將星隕。回首哭中原。先後後。逐胡虜。滌腥羶。用兵古稱京口。仗策幾英賢。所惜伯符短命。枉了少年才氣。費恨向重泉。願鑄鑿城鐵。遺像肅巍然。

金縷曲 題鍾劍花畫劍閣

寶劍千金值。記朱雲上方疏請。倭人膽懾。了了恩仇尋常有。日起摩挲三尺。擬手刀樓蘭未得。空自悲吟生風雨。到悶時把向花前說。龍興虎。兩竿攬。酒酣斫地歌聲側。古今來英雄委頓風塵誰識。幸結龍泉爲知己。豪氣向人蓬勃。更拜倒石檣裙褶。寄語紅妝休輕笑。少年時曾受猿公術。鬚髮在。未全白。

金縷曲 送力山之官太平

送汝汀洲去。問何物可供采擷。白蘋芳杜。斗大衙齋清無事。耳聽敲殘官鼓。更拉個髯參短簿。日夕吟哦心怡曠。似當年王儉紅蓮府。謠詠輩。漫輕妒。嗟予早被儒冠誤。祇年年送人作郡。客游辛苦。杯酒逢君輸心曲。且脫寶刀贈與。倏又是驪歌滿路。昔日知交今言別。念消魂惟有江淹賦。家國事。力須努。

摸魚兒贈影禪

擅才情萬言衮衮，書生空有談論。主梓清議春秋職，比似將軍專閫。神色奮，好詞鋒觸處，所向無堅陣。稱堯道舜，便霹靂天驚，泰山地壓，兩目未曾瞬。家國事，一一都縈方寸。賈生何限憂憤。議郎兩字頭銜貴，顧惜竟同破甑。君莫問，君記取市聲一闋成廝渾，卽今悶悶。且挾瑟吳趨，行歌燕市，舉酒潤枯吻。

木蘭花慢亞子書來邀作滬上游賦此却寄

算江湖俠客，氣跌宕，獨推君。歎世局彈棋，詩書束閣，十載離羣。醺醺酒筵狂論，吐叔肝心事，欲干雲。問取吳淞江上，幾回擊楫頻裙。遙聞沈令休文，腰帶瘦，臍三分。辱書來問訊，滿天風雨，繽紛。香焚舊家詞稿，約衣冠同拜郭靈芬。准擬相從逆旅，倚樓同玩斜曛。

水調歌頭寄懷肩佛

士生千載後，客有四明狂。得錢便去沽酒，略不費商量。醉則帷天幕地，醒則吟風弄月，興會劇淋浪。俗輩曉何事，但解吃檳榔。屈指算，少年事，去堂堂。一官都下坐困，執戟尙爲郎。昨有雙魚寄我，道是南帆北馬，世味飽滄桑。頃刻十年別，鬢纓各成霜。